

# কেঁচোসারের কামাল

জীবদেহ নিঃসৃত বা জীবদেহের অবশেষ থেকে তৈরি সারেরই পোশাকি নাম জৈব সার। তারই অন্যতম উদাহরণ কেঁচোসার। এখন কৃষকেরা রাসায়নিক সার ব্যবহারে এতটাই অভ্যস্ত যে, 'কেঁচো'কে তাঁরা প্রায় ভুলতে বসেছেন। মাটির উর্বরতা রক্ষা থেকে উৎপাদন বৃদ্ধির নিরিখে কেঁচোসারের অবদান অপরিমিত।

লিখছেন মৎস্য বিশেষজ্ঞ **অসীমকুমার গিরি**

## প্রথম পর্ব



কেঁচো হল কৃষি ও কৃষকের বন্ধু। বর্তমানে কৃষকেরা রাসায়নিক সার ব্যবহারে এতটাই অভ্যস্ত যে চিরকালের পরম বন্ধু 'কেঁচো' কে প্রায় ভুলেই গেছে। কেঁচোসার হল একপ্রকার জৈবসার। জৈবসার সেইগুলিকে বলে যেগুলি জীবদেহ নিঃসৃত বা জীবদেহের অবশেষ থেকে তৈরি।

**কেঁচোসার কি?**  
উদ্ভিদ ও প্রাণীজাত বিভিন্ন জৈব বস্তুকে বিশেষ প্রজাতির কেঁচোর সাহায্যে (কেঁচো অর্ধপচিত জৈব পদার্থ খেয়ে শরীর থেকে যে বর্জ্য পদার্থ বের করে দেয় তা সার হিসাবে গাছের অত্যন্ত উপকারী) তাড়াতাড়ি কৃষিতে প্রয়োগের উপযোগি উন্নত মানের জৈবসারে রূপান্তর করা হয়। এই জৈবসারকে কেঁচোসার বা ভার্মিকম্পোস্ট বলে।

**কেন কেঁচোসার ব্যবহার?**  
১. ক্রমাগত রাসায়নিক সার এবং কীটনাশকের ব্যবহার পরিবেশ ও প্রাকৃতিক ভার্সামাকে নষ্ট করছে।  
২. কেঁচোসারের ব্যবহার জমির উর্বরতা এবং ফসলের গুণগত মান বাড়ানোর সাথে সাথে মাটিতে রাসায়নিক সারের গ্রহণ যোগ্যতা বাড়িয়ে দেয়। জৈব ও রাসায়নিক সারের মিশ্র ব্যবহারে জমির উৎপাদন ক্ষমতার স্বায়িত্ব বাড়ে।  
৩. কেঁচোসার মাটির ভেতর অবস্থার রক্ষণ করে। যেমন মাটির জল ধারণ ক্ষমতা বৃদ্ধি করে, মাটি বুসবুসে রাখে, মাটিতে বায়ু চলাচল বাড়ায় এবং মাটির উপকারী জীবানুর বৃদ্ধিতে সাহায্য করে।  
৪. কেঁচোসারে বেশী মাত্রায় ডিটামিন, উৎসেচক, হরমোন ইত্যাদি থাকার ফলে গাছের বৃদ্ধি ভাল হয় এবং রোগ প্রতিরোধ ক্ষমতা বাড়ে।  
৫. কেঁচোসারের উৎপাদন খরচ খুব কম তাই কৃষিক্ষেত্রে লাভ বাড়ে। সাথে সাথে রাসায়নিক সারের উপর নির্ভরতা কমে।  
৬. কেঁচোসার এবং কেঁচো বিক্রি করে কম খরচে অধিক লাভ করা সম্ভব।  
৭. কেঁচোসার ব্যবহারের দ্বারা উৎপাদিত ফসল খেলে মানুষের কোন ক্ষতি হয়না।

## কেঁচোসারের পুষ্টিগুণ

খাদ্য উপাদান	পরিমাণ (%)
নাইট্রোজেন	১.৬
ফসফরাস	০.৭
পটাশ	০.৮

**কি ধরনের কেঁচো ব্যবহার?**  
পৃথিবীতে প্রায় ৩৫০০ ধরনের কেঁচো পাওয়া গেলেও সব ধরনের কেঁচো কার্যকরী ভাবে কেঁচোসার উৎপাদনে সক্ষম নয়। কেঁচোসারের জন্য উপযোগী প্রজাতি গুলি হল-  
১. আইসেনিয়া ফোয়েটিডা (Eisenia foetida) ২. ইউডিলাস ইউজিনি (Eudrilus eugeniae) ৩. ফেরিটমা ইলংগোটা (Pheretima elongata)  
৪. পেরিগনিয় এক্সক্যাভাটাস (Perionix excavates)

**কেঁচোসারের প্রস্তুতি**  
মাটিতে গর্ত করে বা কংক্রিটের চৌবাচ্চা বানিয়ে সহজে কেঁচোসার তৈরী করা যায়। কেঁচোসার তৈরী করার বিভিন্ন পর্যায় গুলি হল-  
কেঁচোসার তৈরী করার জন্য সমস্ত রকম উদ্ভিদ ও প্রাণীজাত বিভিন্ন জৈব বস্তু (আবর্জনা) ব্যবহার করা যায় তবে তা রসাল এবং নরম হলে ভাল হয় কারণ এই ধরনের জৈব বস্তু খুব তাড়াতাড়ি পচে যায়। সবরকম জৈব বস্তুকে খুব ছোট ছোট করে কেটে ৩-১ অনুপাতে গোবর মিশিয়ে প্রাথমিক পচনের জন্য স্তূপাকারে রেখে দিতে হবে এবং গুই স্তূপের উপর ভেজা খড় বা ভেজা চটের বস্তা ঢাকা দিয়ে রাখতে হবে। স্তূপটির প্রয়োজনীয় তাপমাত্রা ৩০-৩৫ ডিগ্রি সেন্টিগ্রেড, আর্দ্রতা ৭০ শতাংশ এবং pH ৬.৫-৭.৫ বজায় রাখা উচিত। তাপমাত্রা, আর্দ্রতা এবং pH সঠিক ভাবে বজায় রাখতে পারলে পচন ক্রিয়া দ্রুত হয়। ৩০-৪০ দিন পর জৈব বস্তুগুলির অবস্থা দেখতে হবে। যখন এই মিশ্রণ প্রচুর হিউমাস যুক্ত কালো রঙ্গের হবে তখন তাকে জৈব মল বলে যা কেঁচোসারের উপযুক্ত খাদ্য। এই জৈব মল কেঁচোসার প্রস্তুতিতে ব্যবহার করা হয়।

১০ ফুট লম্বা, ৫ ফুট চওড়া এবং ৩ ফুট গভীরতা বা উচ্চতা সম্পন্ন একটি চৌবাচ্চা বানাতে হবে। চৌবাচ্চাটির উপরে খড়ের ছাদনি দিতে হবে ১০ ফুট যাতে সরাসরি সূর্যালোক বা বৃষ্টির জল প্রবেশ করতে না পারে।  
প্রথমে চৌবাচ্চাটির মেঝের উপর ১-২ ইঞ্চি পুরু খড় বিছিয়ে কেঁচোর বিছানা তৈরি করতে হবে। তার ওপর প্রতি বর্গফুটে ২৫ — ৩০ টি করে কেঁচো ছেড়ে দিতে হবে। তার ওপর ২ - ২.৫ ফুট পুরু জৈব মল ছড়িয়ে দিতে হবে (অধিক পরিমাণে ধরানোর জন্য উপর থেকে চাপ দেওয়া যাবে না)। তারপর চৌবাচ্চাটির মুখ ভেজা খড় বা ভেজা চটের বস্তা দিয়ে ঢেকে দিতে হবে। (এক্ষেত্রে প্রথমে জৈব মল ছড়িয়ে তার ওপর কেঁচো ছাড়লেও চলবে।)

এইভাবে ৪৫ ৬০ দিন রেখে দিতে হবে। তারপর দেখতে হবে ঢাকনার নিচে জৈব মল যদি কালো তামাটে রঙের চায়ের দানার মতো হয়ে থাকে তাহলে বুঝতে হবে কেঁচোসার তৈরী হয়ে গেছে। এরপর গুই কেঁচোসার চালুনি দিয়ে চেলে নিতে হবে যাতে কেঁচোসার থেকে কেঁচো গুলো আলাদা করে আবার ব্যবহার করা যায় বা বিক্রী করা যায়।

**কেঁচোসার প্রস্তুতির সতর্কতা**  
১. চৌবাচ্চাটি উচ্চ জায়গায় বানাতে হবে যাতে বৃষ্টির সময় চৌবাচ্চায় জল না ঢোকে।  
২. চৌবাচ্চাটির উপর শক্ত ও পুরু ছাদনি দিতে হবে যাতে হাওয়ার সময় উড়ে না যায় এবং চৌবাচ্চাটি ঠাণ্ডা থাকে।  
৩. কেঁচোসার বা ভার্মিকম্পোস্টের জন্য যে জৈব বস্তু (আবর্জনা) ব্যবহার করা হবে তা যেন অবশ্যই দ্রুত পচনশীল হয় এবং তার মধ্যে কোন রকম প্লাস্টিক, পাথর, কাঁচের টুকরা, রাসায়নিক বস্তু কিংবা গন্ধযুক্ত ফসল যেমন- পেঁয়াজ, আদা ইত্যাদি না থাকে।  
৪. কেঁচোগুলো অবশ্যই প্রাপ্তবয়স্ক এবং প্রজনন ক্ষম হতে হবে।

## আবহাওয়া

১৪ থেকে ২০ মে, ২০২৫ পর্যন্ত প্রয়োজ্য আগাম আবহাওয়া বার্তা ও কৃষি উপদেষ্টা: ১৪ মে বৃষ্টিপাতের সম্ভাবনা নেই। বাকি চার দিন বজ্রবিদ্যুৎ-সহ হালকা বৃষ্টিপাতের সম্ভাবনা আছে। বাতাসের সর্বোচ্চ তাপমাত্রা ৩৭ থেকে ৩৯ ডিগ্রি সেন্টিগ্রেড থাকতে পারে। সর্বনিম্ন তাপমাত্রা ২৬ থেকে ২৯ ডিগ্রি সেন্টিগ্রেড থাকতে পারে। আগামী পাঁচ দিন আকাশ অংশিক মেঘাচ্ছন্ন থাকতে পারে। সকালের আংশিক আর্দ্রতা ৫৪ থেকে ৭২ শতাংশ এবং বিকালের আংশিক আর্দ্রতা ৩৬ থেকে ৪৮ শতাংশ থাকতে পারে। বাতাস ১১ থেকে ১৩ কিলোমিটার প্রতি ঘণ্টা বেগে মূলত দক্ষিণ পশ্চিম দিক থেকে বইতে পারে।

চিনে উৎপত্তি। বেড়ে ওঠা জাপানে। শতাব্দী প্রাচীন এক উদ্যানচর্চার পদ্ধতির নাম বনসাই। এককথায় এ এক অনন্য শিল্প, যা সাধারণ গাছকে রূপান্তরিত করেছে চমৎকার ক্ষুদ্র ল্যান্ডস্কেপে। বনসাই-বৃত্তান্ত শোনাচ্ছেন নদিয়ার মোহনপুরের বিধানচন্দ্র কৃষি বিশ্ববিদ্যালয়ের পুষ্প এবং ভূমি চিত্রায়ণ বিভাগের **পূজা মাইতি ও তনুশ্রী কোলে**

বনসাই, শতাব্দী প্রাচীন এক উদ্যানচর্চার পদ্ধতি, যা শুধু পাশ্বে ছোট গাছ জন্মানোর চেয়ে অনেক বেশি। এটি একধরনের শিল্প, একটি দর্শন, এবং ধৈর্য, শৃঙ্খলা ও প্রকৃতির সামঞ্জস্যের প্রতিফলন। চীনে উৎপত্তি হয়ে পরবর্তীতে জাপানে পরিণীলিত এই শিল্প বিশ্বজুড়ে উৎসাহীদের মুগ্ধ করেছে, সাধারণ গাছকে রূপান্তরিত করেছে চমৎকার ক্ষুদ্র ল্যান্ডস্কেপে। এই প্রবন্ধে বনসাই চাষাবাদের ইতিহাস, কৌশল, গুরুত্ব ও আধুনিক আকর্ষণ নিয়ে আলোচনা করা হল।

**বনসাইয়ের ইতিহাস**  
বনসাই শিল্পের উৎপত্তি প্রাচীন চীনে, যেখানে এটি "পেনজিং" নামে পরিচিত ছিল। চীনারা হান রাজবংশ (২০৬ খ্রিস্টপূর্ব—২২০ খ্রিস্টাব্দ) সময়ে ক্ষুদ্র বৃক্ষ চাষের অনুশীলন শুরু করে, ছোট ল্যান্ডস্কেপ তৈরি করে যা মানবতা ও প্রকৃতির মধ্যে সামঞ্জস্যের প্রতীক হিসেবে বিবেচিত হতো। পরে, কামাকুরা যুগে (১১৮৫—১৩৩৩) জাপানি সন্ন্যাসীরা এই চর্চা গ্রহণ করে এবং এটিকে পরিণীলিত করে, যা পরবর্তীতে বনসাই নামে পরিচিত হাল।

২০শ শতকের মধ্যে, বনসাই আন্তর্জাতিক স্বীকৃতি লাভ করে এবং বিশ্বজুড়ে অনুরাগী ও উদ্ভিদ বিশেষজ্ঞরা এর শিল্পিত ও ধ্যানমূলক বৈশিষ্ট্যকে গ্রহণ করেন।

**বনসাই বানানোর পদ্ধতি**  
একটি বনসাই গাছ তৈরি করা শুধুমাত্র একটি চারা গাছ পাশ্বে রোপণ করার বিষয় নয়। এটি গাছের সৌন্দর্য ও সুস্বাস্থ্য বজায় রাখার জন্য সূক্ষ্ম প্রযুক্তি ব্যবহার করে আকার দেওয়া, প্রশিক্ষণ ও রক্ষণাবেক্ষণের প্রক্রিয়া। এর কিছু মৌলিক পদ্ধতি হল:

- ছাঁটাই ও ট্রিমিং** — শাখা ও পাতার নিয়মিত ছাঁটাই গাছের ক্ষুদ্র আকৃতি ও কাঙ্ক্ষিত আকার বজায় রাখতে সহায়তা করে।
- ওয়্যারিং** — শাখাগুলোর বৃদ্ধি নিয়ন্ত্রণ করতে আলুমিনিয়াম বা তামার তার পেঁচিয়ে দেওয়া হয়, যা নির্দিষ্ট আকার গঠনে সহায়তা করে।
- পুনরোপণ** — কয়েক বছর পরপর বনসাই গাছকে পুনরায় রোপণ করতে হয়, যাতে মাটি পুনরুজ্জীবিত হয় এবং শিকড়ের অতিরিক্ত জটলা প্রতিরোধ করা যায়।
- পাতা ছাঁটাই (ডিফলিয়েশন)** — কিছু প্রজাতির গাছে পাতার ছাঁটাই করা হয়, যাতে ছোট ও সুস্বন্দ আকারের পাতা গড়ায়।
- ডেডউড প্রযুক্তি** — জিন প্রাচীন শাখার মতো দেখাতে ছাল সরানো এবং শারি (গাছে মৃত কাঠের রেখা তৈরি) পদ্ধতি গাছকে প্রাকৃতিক ও প্রাচীন চেহারা প্রদান করে।

এই প্রযুক্তিগুলো ধৈর্য, দক্ষতা এবং উদ্যানবিদ্যার জ্ঞান প্রয়োজন। একটি ভালোভাবে রক্ষিত বনসাই গাছ শতাব্দীর পর শতাব্দী পর্যন্ত বেঁচে থাকতে পারে, যা


## প্রথম পর্ব

# বাহারি বনসাই

প্রায়শই প্রজন্মের পর প্রজন্মে মূল্যবান পারিবারিক ঐতিহ্য হিসেবে হস্তান্তরিত হয়।

**বনসাইয়ের প্রকারভেদ**  
বনসাইয়ের বিভিন্ন ধরণ ও শ্রেণীবিভাগ রয়েছে, প্রতিটিই তাদের নিজস্ব বৈশিষ্ট্যে অনন্য। কিছু সাধারণ প্রকারভেদ হলো:

- ফর্মাল আপরাইট (চোকান)** — একটি ক্লাসিক শৈলী, যেখানে গাছের কাণ্ড সোজা ও খাড়াভাবে বৃদ্ধি পায় এবং শাখাগুলি সমানভাবে বিন্যস্ত থাকে।
- ইনফর্মাল আপরাইট (মোইগো)** — কাণ্ডে সামান্য বাক থাকে, যা গাছটিকে আরও স্বাভাবিক ও শৈল্পিক একটি রূপ প্রদান করে।
- স্ট্যান্ডিং (শাকান)** — কাণ্ডটি একটি কোণে হেলে থাকে, যেন প্রবল বাতাস বা প্রাকৃতিক উপাদান দ্বারা আকৃতির গঠিত হয়েছে।
- ক্যাসকেড (কেঙ্গাই)** — গাছটি নিচের দিকে বাকবে, যেন খাড়া ঢাল বা পর্বতের খাঁজে জন্মানো গাছের মতো।
- সেমি-ক্যাসকেড (হান-কেঙ্গাই)** — ক্যাসকেড শৈলীর মতো, তবে একটু বেশি মৃদু নিচের দিকে বাক



থাকে।  
৬। **লিটারাটি (বুনজিন-পি)** — একটি নুনতম শৈলী, যেখানে দীর্ঘ, পাকানো কাণ্ড ও অল্প কিছু শাখা থাকে।  
৭। **ফরেস্ট (ইওসে-উয়ে)** — একাধিক গাছ একসাথে রোপণ করে একটি ক্ষুদ্র বনভূমির ছাপ সৃষ্টি করা হয়।  
৮। **রুট-ওভার-রক (সেকিজোজু)** — গাছের শিকড় পাথরের ওপর দিয়ে মাটিতে পৌঁছে, যেন পাথরে স্থানে জন্মানো গাছের মতো।  
৯। **ক্রম স্টাইল (হেকিমাচি)** — একটি ছাতা বা গদ্বজ-আকৃতির সুস্বন্দ ছায়াপথ তৈরি হয়, যা এলম জাতীয় পর্ণমোচী গাছের জন্য উপযুক্ত।  
১০। **উইডসুইপ্ট (ফুকিগামি)** — গাছের কাণ্ড ও শাখাগুলি একটি দিকেই বৃদ্ধি পায়, যেন প্রবল বাতাস দ্বারা আকৃতি হয়েছে।

আবহাওয়া, অভিজ্ঞতার স্তর এবং নান্দনিক পছন্দের উপর ভিত্তি করে বনসাই-এর জন্য অনেক গাছের প্রজাতি উপযুক্ত। নিচে বিভিন্ন ধরনের বনসাই উপযোগী গাছগুলোর একটি বিভাগভিত্তিক তালিকা দেওয়া হলো:

- শঙ্কুযুক্ত গাছ (ক্লাসিক ও চিরসবুজ বনসাই-এর জন্য উপযুক্ত)**
  - জুনিপার (Juniperus) — নবীনদের জন্য আদর্শ, অত্যন্ত জনপ্রিয়।
  - পাইন (Pinus) — জাপানি বনসাই-এ ঐতিহ্যবাহী ও প্রতীকধর্মী; তুলনামূলকভাবে বেশি প্রয়োজন।
    - স্প্রুস (Picea) — ঠাণ্ডা আবহাওয়ার জন্য উপযুক্ত।
    - সিডার (Cedrus) — মসৃণ ও শক্তিশালী কাণ্ডের রেখা থাকে।

- সাইপ্রেস (Chamaecyparis, Taxodium) — আকর্ষণীয় সূচাল পাতার গঠন।
- পর্ণমোচী গাছ (ঋতু পরিবর্তন, সুন্দর শরৎকালের রঙ)**
  - ম্যাপল (Acer) — জাপানি ম্যাপল বিশেষভাবে মূল্যবান।
  - ফিগ (Fagus) — সুস্বন্দ পাতা এবং শক্তিশালী কাঠামো।
  - ওক (Quercus) — অনন্য, শক্তিশালী কাণ্ড।
  - ব্যাট (Betula) — আকর্ষণীয়, এবং হালকা কাঠামো।
- ফুলে পূর্ণ বনসাই (এগুলো ঋতুবদ্ধ রং এবং সুগন্ধ যোগ করে)**
  - আজালিয়া, উইস্টেরিয়া, বোগোনভিলিয়া, হিবিস্কাস, ক্যামেলিয়া, ইত্যাদি।
- ফলযুক্ত বনসাই (ছোট গাছের ওপর ক্ষুদ্র ফল)**
  - ক্র্যানআপল, ডালিম, সাইট্রাস, চেরি, ইত্যাদি।
- উষ্ণমণ্ডলীয় ও আভ্যন্তরীণ বনসাই (আভ্যন্তরীণ চাষ**



## বা উষ্ণ আবহাওয়ার জন্য উপযুক্ত

ফিকাস (Ficus retusa এবং Ficus benjamina), জেড প্ল্যান্ট, স্কেফলারা (Umbrella Tree), সেরিসা (Serissa japonica) ইত্যাদি।  
**বনসাই যত্ন এবং ব্যবস্থাপনা**  
**আলো প্রয়োজনীয়তা** — আলো হলো বনসাই গাছের স্বাস্থ্য ও বৃদ্ধির উপর প্রভাব ফেলা অন্যতম গুরুত্বপূর্ণ উপাদান। বনসাই গাছের প্রজাতি অনুযায়ী এর প্রয়োজনীয় আলো ও আলোর তীব্রতা ভিন্ন হয়ে থাকে।

- জুনিপার, পাইন ও ম্যাপল এর মতো আউটডোর বনসাই গাছগুলোর প্রতিদিন অন্তত ৪—৬ ঘণ্টা সরাসরি সূর্যালোক প্রয়োজন।
- ফিকাস, জেড এবং স্কেফলারা এর মতো ইনডোর বনসাই গাছগুলো উজ্জ্বল, দক্ষিণমুখী জানালার পাশে অথবা অতিরিক্ত গ্লো লাইটের নিচে ভালোভাবে বেড়ে ওঠে।
- জলের ব্যবহার** — যখন গাছের ওপরের মাটি একটু শুকনো মনে হবে, তখনই বনসাই গাছে জল দিন।
- মাটি যেন না সরে যায়, সেজন্য সূক্ষ্ম মুখযুক্ত জলের ক্যান বা হোস পাইপ ব্যবহার করুন।
- অতিরিক্ত জল যেন পাতের নিচ দিয়ে সহজে বের হয়ে যেতে পারে তা নিশ্চিত করুন, এবং শিকড়কে কণ্ঠস্বের মতো থাকে জলের মধ্যে রাখতে দেবেন না।
- জল দেওয়ার নির্দিষ্টতা গাছের প্রজাতি, ঋতু,

বনসাই স্টাইল	প্রস্তাবিত টবের ধরন
ফর্মাল আপরাইট (চোকান) ইনফর্মাল আপরাইট (মোইগো)	আয়তাকার বা ডিম্বাকৃতি, অগভীর ডিম্বাকৃতি বা গোলাকার, অগভীর থেকে মাঝারি গভীরতা
স্ট্যান্ডিং (শাকান)	আয়তাকার টব, হেলে পড়া দিকটিতে একটি বেশি জায়গা থাকা উচিত গভীর, গোলাকার বা চৌকো টব
ক্যাসকেড (কেনগাই) / সেমি-ক্যাসকেড (হান-কেনগাই) লিটারাটি (বুনজিনপি) ফিগ/ফরেস্ট প্ল্যান্ট (ইওসে-উয়ে)	ছোট, গোলাকার, অগভীর হাড়, অগভীর ট্রে-স্টাইল টব

## এস্টেটিক এবং কার্যকর বিবেচনা

মাপ ছাড়াও, টবের রঙ, টেক্সচার এবং আকার গাছের উপস্থাপনায় গুরুত্বপূর্ণ ভূমিকা রাখে।

- রঙ: আনপলিশড, মটক-না-রঙের টব সাধারণত শঙ্কুযুক্ত ও রূক্ষ, বৈশিষ্ট্যের গাছের সঙ্গে ব্যবহৃত হয়। গ্লোজ করা টব, যেগুলো হালকা বা বিপরীত রঙে হয়, সেগুলো সাধারণত ফুল বা ফলধারণকারী প্রজাতির জন্য সংরক্ষিত থাকে।
- টেক্সচার: রূক্ষ টেক্সচারের টব একটি গ্রামীণ বা প্রাচীন রূপ বাড়াতে সাহায্য করে, আর মসৃণ টবগুলো পরিণীলিত, নান্দনিক গাছের সৌন্দর্য ফুটিয়ে তোলে।
- আকার: গোলাকার টব সাধারণত বয়ে চলা আকৃতির গাছের জন্য মানানসই, আত চৌকো বা আয়তাকার টব বেশি কঠোর শৈলীর গাছের সঙ্গে ব্যবহার করা হয়।



## মাটি একটি জীবন্ত

### বাস্তুতন্ত্র। যেখানে

### বিভিন্ন ধরনের অণুজীব

### এবং উৎপাদনশীলতা

### বজায় রাখতে গুরুত্বপূর্ণ

### ভূমিকা পালন করে।

### লিখছেন মেদিনীপুর

### সিটি কলেজের

### সহকারী অধ্যাপক

### ড. অনিবার্ণ ভৌমিক

### এবং বিধান চন্দ্র কৃষি

### বিশ্ববিদ্যালয়ের শস্য

### বিজ্ঞান বিভাগের

### গবেষক বাপ্পা মণ্ডল

# মাটির সুস্বাস্থ্য, কৃষকের সমৃদ্ধি

**৬. জৈব মৃত্তিকা সংশোধন:**  
কৃষকরা মাটির স্বাস্থ্যের উন্নতির জন্য জৈব সার এবং মাইক্রোবিয়াল ইনোকুলেন্টের মাধ্যমে উপকারী জীবগুণ মাটিতে যোগ করতে পারেন। মাইক্রোবিয়াল ইনোকুলেন্ট হলো এমন পদার্থ যাতে উপকারী মাইক্রোব থাকে, যা মাটিতে যোগ করলে তাদের সংখ্যা বৃদ্ধি পায় এবং মাটির স্বাস্থ্য উন্নত হয়।

**এনপিকে কনসোর্টিয়া:**  
**পরবর্তী প্রজন্মের জৈব সার**  
এনপিকে কনসোর্টিয়া হল একটি জৈব সার যাতে নাইট্রোজেন (N), ফসফরাস (P) এবং পটাশিয়াম (K) এর মতো প্রয়োজনীয় উদ্ভিদ পুষ্টি উপাদান থাকে। এটি বিভিন্ন উপকারী ব্যাকটেরিয়া যেমন অ্যাজোটোব্যাক্টার, ব্যাসিলাস এবং সিউডোমোনাস দ্বারা গঠিত। এই ব্যাকটেরিয়াগুলি মাটি

থেকে পুষ্টি উপাদানগুলিকে দ্রবীভূত করে যা উদ্ভিদের জন্য গ্রহণ করা সহজ।

**উদ্ভিদের বৃদ্ধি এবং বিকাশকে**  
উৎসাহিত করে: এটি উদ্ভিদের প্রয়োজনীয় পুষ্টি সরবরাহ করে যা তাদের স্বাস্থ্যকর বৃদ্ধি এবং বিকাশে

**উপকারিতা:**  
• **পুষ্টির সহজলভ্যতা বৃদ্ধি:** এনপিকে কনসোর্টিয়া মাটিতে উপস্থিত পুষ্টি



সহায়তা করে।

• **মাটির স্বাস্থ্য উন্নত করে:** এটি মাটির উর্বরতা বাড়ায় এবং উপকারী জীবানুর সংখ্যা বৃদ্ধি করে।

• **রাসায়নিক সারের ব্যবহার হ্রাস করে:** এনপিকে কনসোর্টিয়া ব্যবহারের মাধ্যমে রাসায়নিক সারের প্রয়োজনীয়তা হ্রাস করা যায়, যা পরিবেশের জন্য উপকারী।

**ব্যবহারের পদ্ধতি:**  
এনপিকে কনসোর্টিয়া বিভিন্নভাবে ব্যবহার করা যেতে পারে, যেমন:

- **বীজ প্রয়োগ:** বীজের সাথে এনপিকে কনসোর্টিয়া মিশিয়ে বপন করলে বীজ অঙ্কুরোদগম এবং চারা বৃদ্ধি ভাল হয়। প্রতি কেজি বীজে ৫-১০ গ্রাম এনপিকে কনসোর্টিয়া ব্যবহার করুন।
- **মাটিতে প্রয়োগ:** জমি তৈরির সময় বা চারা রোপণের আগে মাটিতে এনপিকে কনসোর্টিয়া প্রয়োগ করা যেতে পারে। এটি মাটির উর্বরতা বাড়ানোর সাহায্য করে। প্রতি একর জমিতে ২-৪ কেজি এনপিকে

কনসোর্টিয়া ব্যবহার করুন।

• **পাতায় স্প্রে:** ফসলের গুরুত্বপূর্ণ বৃদ্ধির পর্যায়ে এনপিকে কনসোর্টিয়া স্প্রে করা যেতে পারে। এটি দ্রুত পুষ্টি সরবরাহ করতে এবং ফলন বাড়ানোতে সাহায্য করে। প্রতি লিটার জলে ৫ গ্রাম এনপিকে কনসোর্টিয়া মিশিয়ে স্প্রে করুন।

মাটির অণুজীব কৃষির উৎপাদনশীলতা ও পরিবেশগত ভারসাম্য বজায় রাখতে গুরুত্বপূর্ণ ভূমিকা পালন করে।

মাটির জীববৈচিত্র্য সম্পর্কে সচেতনতা ও ব্যবস্থাপনা ফসলের উৎপাদনশীলতা বৃদ্ধি, মাটির স্বাস্থ্য সংরক্ষণ এবং দীর্ঘমেয়াদি কৃষি স্থায়িত্ব নিশ্চিত করতে সাহায্য করে। কৃষকরা বায়োমিটালজিয়ার, জৈব উপাদান এবং সংরক্ষণমূলক

কৃষি পদ্ধতি গ্রহণের মাধ্যমে মাটির স্বাস্থ্যের উন্নতি করতে পারেন। এনপিকে কনসোর্টিয়া ব্যবহার কৃষকদের পুষ্টি সহজলভ্যতা বাড়ানোর সাহায্য করে। প্রতি একর জমিতে ২-৪ কেজি এনপিকে

## শেষ পর্ব